

*Tarikh dibaca: 03 Ogos 2018M / 21 Zulkaedah 1439H*

# **KHUTBAH JUMAAAT**

*Tajuk:*

**“KEWAJIPAN MEMILIH SISTEM  
PERBANKAN ISLAM”**

\*\*\*

*Terbitan:  
Unit Khutbah  
Bahagian Pengurusan Masjid  
JABATAN AGAMA ISLAM SELANGOR*



## **SENARAI AHLI JAWATANKUASA KHUTBAH NEGERI SELANGOR**

- 1. SS. Dato' Haji Haris Bin Kasim** (Pengerusi)  
**Pengarah Jabatan Agama Islam Selangor**
- 2. Tuan Haji Mohd Basori Bin Umar** (Ahli)  
**Mantan Timbalan Pengarah,  
Jabatan Agama Islam Selangor**
- 3. Ketua Penolong Pengarah,** (Setiausaha)  
**Bahagian Pengurusan Masjid,  
Jabatan Agama Islam Selangor**
- 4. SS. Dato' Dr. Haji Anhar Bin Haji Opir** (Ahli)  
**Timbalan Mufti, Jabatan Mufti Negeri Selangor**
- 5. Ustaz Muhammad Farhan Bin Wijaya** (Ahli)  
**Imam Besar Masjid Sultan Salahuddin Abdul Aziz Shah**
- 6. Ustaz Indera Shahril Bin Mohd Shahid** (Ahli)  
**Pegawai Majlis Agama Islam Selangor**
- 7. Tuan Haji Abdul Halem Hapiz Bin Salihin** (Ahli)  
**Ketua Penolong Mufti (Fatwa),  
Jabatan Mufti Negeri Selangor**
- 8. Dato' Haji Abdul Majid Bin Omar** (Ahli)  
**Ahli Jawatankuasa Fatwa Negeri Selangor**
- 9. Yg. Berbahagia Dr. Haji Osman Bin Haji Sabran** (Ahli)  
**Mantan Pensyarah Universiti Industri Selangor**
- 10. Tuan Haji Hamid Bin Md Isa** (Ahli)  
**Pensyarah, Kolej Universiti Islam Selangor**
- 11. Tuan Haji Md. Sahari Bin Abdullah** (Ahli)  
**Ahli Jawatankuasa Fatwa Negeri Selangor**
- 12. Hairol Azmi Bin Khairudin** (Urus Setia)  
**Penolong Pengarah (Unit Khutbah)  
Bahagian Pengurusan Masjid**



## "KEWAJIPAN MEMILIH SISTEM PERBANKAN ISLAM"

الْحَمْدُ لِلَّهِ الْقَائِلٍ: وَأَحَلَّ اللَّهُ الْبَيْعَ وَحَرَمَ الْرَّبَا<sup>١</sup>  
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ  
مُحَمَّداً عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى سَيِّدِنَا  
مُحَمَّدٍ وَعَلَى آلِهِ وَاصْحَابِهِ أَجْمَعِينَ. أَمَّا بَعْدُ، فَيَا أَيُّهَا  
الْمُسْلِمُونَ! اتَّقُوا اللَّهَ، أَوْصِيْكُمْ وَإِيَّاهُ يَتَّقُوا اللَّهُ فَقَدْ  
فَازَ الْمُتَّقُونَ. قَالَ اللَّهُ تَعَالَى: يَا أَيُّهَا الَّذِينَ إِذَا مَنُوا أَتَّقُوا اللَّهَ  
حَقَّ تُقَاتِهِ. وَلَا تَمُوتُنَ إِلَّا وَأَنْتُمْ مُسْلِمُونَ



**Muslimin yang dirahmati Allah sekalian,**

Marilah kita memperkasakan ketaqwaan kita kepada Allah SWT agar dapat menyempurnakan segala perintah-Nya dan menjauhi larangan-Nya. Semoga dengan ketaqwaan itu akan menjadikan seluruh kehidupan kita beroleh kebahagiaan di dunia dan di akhirat.

Marilah sama-sama kita hayati khutbah pada hari ini yang bertajuk "**KEWAJIPAN MEMILIH SISTEM PERBANKAN ISLAM**".

**Hadirin sidang Jumaat yang dirahmati Allah,**

<sup>1</sup> Al-Baqarah : 275.



Mengurus harta adalah suatu amanah yang cukup penting dalam kehidupan kita. Kegagalan mengurus harta menurut panduan syariah akan membawa akibat yang buruk sama ada di dunia maupun di akhirat.

Pengurusan harta menurut panduan syariah adalah dengan memastikan keluar masuk segala harta melalui landasan yang betul. Kita wajib memastikan harta yang kita perolehi adalah dari sumber yang halal dan digunakan untuk perkara-perkara yang halal sahaja.

Hadis daripada Muaz RadhiAllahu Anhu bahawa Nabi SAW bersabda:

لَا تَرْوُلْ قَدَمُ عَبْدٍ يَوْمَ الْقِيَامَةِ حَتَّىٰ يُسَأَلَ عَنْ أَرْبَعٍ: عَنْ جَسَدِهِ فِيمَ أَبْلَاهُ، وَعُمُرِهِ فِيمَ أَفْنَاهُ، وَمَالِهِ مِنْ أَيْنَ اكْتَسَبَهُ وَفِي أَيِّ شَيْءٍ أَنْفَقَهُ، وَعَنْ عِلْمِهِ كَيْفَ عَمِلَ فِيهِ.

*"Tidak akan berganjak kedua kaki seorang hamba di hari kiamat melainkan sesudah ditanya tentang empat perkara; tentang umurnya di mana ia telah habiskan, tentang masa mudanya kemana digunakannya, tentang hartanya daripada mana ia perolehi dan ke mana ia telah belanjakan, tentang ilmunya bagaimana ia mengamalkannya."*

*(Riwayat Al-Tirmizi).*

Malangnya masih terdapat umat Islam yang tidak mengambil peduli tentang bagaimana hartanya diperolehi seperti urusniaga yang berdasarkan riba. Masih ramai juga masyarakat kita yang masih keliru dengan pulangan yang diperolehi daripada simpanan atau urusniaga sama ada dianggap riba



atau tidak kerana tidak mengetahui sesuatu simpanan atau pinjaman itu melalui sistem perbankan Islam atau berasaskan riba.

### Muslimin yang dikasihi Allah sekalian,

Sesungguhnya sistem perbankan Islam adalah sistem yang bebas riba dan ia tiada unsur-unsur gharar (ketidakjelasan) dan tiada penindasan serta sangat berbeza dengan sistem perbankan konvensional yang berasaskan riba. Firman Allah SWT dalam surah al-Baqarah ayat 275:

الَّذِينَ يَأْكُلُونَ الْرِبَا لَا يَقُومُونَ إِلَّا كَمَا يَقُومُ الظَّالِمُونَ  
يَتَخَبَّطُهُ الشَّيْطَانُ مِنَ الْمَسِّ ذَلِكَ بِأَنَّهُمْ قَالُوا إِنَّمَا الْبَيْعُ مِثْلُ  
الرِبَا وَأَحَلَ اللَّهُ الْبَيْعَ وَحَرَمَ الرِبَا فَمَنْ جَاءَهُ مَوْعِظَةٌ مِنْ رَبِّهِ  
فَأَنْتَهَى فَلَمَّا مَا سَلَفَ وَأَمْرَهُ إِلَى اللَّهِ وَمَرَّ عَادَ فَأُولَئِكَ  
أَصْحَابُ النَّارِ هُمْ فِيهَا خَالِدُونَ



“Orang-orang yang memakan (mengambil) riba itu tidak dapat berdiri betul melainkan seperti berdirinya orang yang dirasuk syaitan dengan terhuyung-hayang kerana sentuhan (syaitan) itu. Yang demikian ialah disebabkan mereka mengatakan: “Bahawa sesungguhnya bermiaga itu sama sahaja seperti riba”. Padahal Allah telah menghalalkan berjual-beli (bermiaga) dan mengharamkan riba. oleh itu sesiapa yang telah sampai kepadanya peringatan (larangan) dari Tuhananya lalu ia berhenti (dari mengambil riba), maka apa yang telah diambilnya dahulu (sebelum pengharaman itu) adalah menjadi haknya, dan perkaranya terserahlah kepada Allah. Dan sesiapa



*yang mengulangi lagi (perbuatan mengambil riba itu) maka itulah ahli neraka, mereka kekal di dalamnya.*

Dalam sebuah hadis daripada Abdullah bin Abbas Radhiallahu Anhuma bahawa Rasulullah SAW bersabda:

**إِذَا ظَهَرَ الزِّنَاءُ وَالرِّبَا فِي قَرْيَةٍ، فَقَدْ أَحَلُوا بِأَنفُسِهِمْ عَذَابَ اللَّهِ**

*"Apabila riba dan zina menjadi-jadi di sesebuah kampung, maka sesungguhnya mereka telah membenarkan mereka diazab oleh Allah SWT."*

*(Riwayat Al-Hakim).*

Kedua-dua dalil di atas menunjukkan bahawa riba adalah diharamkan oleh Allah SWT, maka sesiapa yang terlibat dengan riba dalam apa jua bentuk transaksi bakal mengundang kemurkaan Allah SWT.

### **Sidang Jumaat sekalian,**

Sistem perbankan Islam adalah wajib diikuti dan dipilih oleh semua umat Islam kerana ia mempunyai syarat-syarat yang perlu dipatuhi iaitu:

1. Sistem perbankan Islam diwujudkan berdasarkan sistem muamalat yang berteraskan keimanan dan ketaqwaan kepada Allah SWT berbeza dengan sistem perbankan yang lain yang berdasarkan kepada keuntungan semata-mata tanpa mengikut syariat Islam;
2. Sistem perbankan Islam menitikberatkan konsep pahala dan dosa dalam setiap urusan yang berbeza dengan sistem perbankan konvensional;



3. Institusi perbankan Islam menggunakan prinsip akad yang jelas seperti jual beli atau pelaburan untuk mendapatkan keuntungan, manakala perbankan yang lain hanya menggunakan konsep pinjaman yang mengenakan riba kepada pelanggan untuk mengaut keuntungan semata-mata.

Abdullah bin Mas'ud Radiallahu Anhu memberitahu bahawa:

**لَعْنَ رَسُولِ اللَّهِ وَمُؤْكِلَهُ وَشَاهِدَهُ  
وَكَاتِبَهُ**

*"Rasulullah SAW melaknat orang yang memakan riba, orang yang memberi riba, saksinya dan penulisnya."*

*(Riwayat Abu Daud).*

4. Keuntungan daripada institusi perbankan Islam adalah wajib dizakatkan dan akan dinikmati oleh asnaf-asnaf yang layak, sebaliknya hasil keuntungan konvensional tidak dizakatkan kerana tidak mematuhi syariah.

### **Sidang Jumaat sekalian,**

Bagi memastikan institusi perbankan Islam sentiasa mematuhi kehendak Syarak dalam urusniaga mereka, Bank Negara Malaysia telah menetapkan setiap bank mempunyai skop kerja yang merangkumi 4 fungsi utama iaitu Penyelidikan Syariah, Semakan Syariah, Pengurusan Risiko Syariah dan Audit Syariah. Institusi perbankan Islam juga mesti mempunyai sekurang-kurangnya 5 orang Ahli Jawatankuasa Syariah yang berstatus bebas yang mempunyai kelulusan dan kepakaran dalam bidang Syariah dan Kewangan Islam untuk menasihati dan memastikan sistem yang dilaksanakan mematuhi prinsip syariah.



Oleh itu, marilah kita menyokong sistem perbankan Islam dan memastikan diri kita , keluarga, harta dan kewangan kita selamat dan mendapat keberkatan daripada Allah SWT.

### **Hadirin yang dirahmati Allah sekalian,**

Mengakhiri khutbah kita pada hari ini, umat Islam hendaklah mengambil panduan seperti berikut:

1. Umat Islam hendaklah wajib meyakini bahawa perintah Allah supaya menjauhi riba adalah wajib dipatuhi;
2. Umat Islam hendaklah menggunakan sistem perbankan Islam sebagai suatu kewajipan dalam urusan muamalat dan bukannya sebagai pilihan; dan
3. Umat Islam hendaklah memastikan segala pendapatan dan perbelanjaan hendaklah mematuhi prinsip syariah Islam.

أَعُوذُ بِاللَّهِ مِنَ الشَّيْطَنِ الرَّجِيمِ  
يَأَيُّهَا الَّذِينَ آمَنُوا لَا تَأْكُلُوا أَرْبَوْا أَضْعَافًا مُضَعَّفَةً  
وَاتَّقُوا اللَّهَ لَعَلَّكُمْ تُفْلِحُونَ

*"Wahai orang-orang yang beriman! janganlah kamu makan atau mengambil riba dengan berlipat-lipat ganda, dan hendaklah kamu bertaqwa kepada Allah supaya kamu berjaya."*

(ali-Imran : 130)



بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي  
وَإِيَّاكم بِمَا فِيهِ مِنَ الآيَاتِ وَالذِّكْرِ الْحَكِيمِ وَتَقَبَّلَ  
مِنِّي وَمِنْكُمْ تِلَاوَتُهُ، إِنَّهُ هُوَ السَّمِيعُ الْعَلِيمُ.  
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ  
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ هُوَ  
الْغَفُورُ الرَّحِيمُ.

\*\*\*\*\*

Rakyat /Nurul  
03.07.2018



## KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّداً عَبْدُهُ وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أُوصِيْكُمْ وَإِيَّاهُ يُتَقَوَّى اللَّهُ فَقَدْ فَازَ الْمُتَّقُونَ.

Sidang Jumaat yang dirahmati Allah SWT,

Mimbar Jumaat sekali lagi berpesan supaya kita sentiasa bertakwa kepada Allah SWT dan menyedari bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam. Oleh itu marilah kita sentiasa memperbanyakkan selawat dan salam ke atas Nabi kita Muhammad SAW. Firman Allah SWT:

إِنَّ اللَّهَ وَمَلَائِكَتَهُ يُصَلِّوْنَ عَلَى النَّبِيِّ يَأْمُرُهَا الَّذِينَ إِنَّمَا أَمْنُوا صَلَوْا عَلَيْهِ وَسَلَّمُوا تَسْلِيْمًا.



اللَّهُمَّ صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ  
الْمُرْسَلِينَ وَارْضِ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ  
وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ  
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ  
مُجِيبُ الدَّعَوَاتِ وَيَا قَاضِي الْحَاجَاتِ. اللَّهُمَّ أَعِزَّ  
الإِسْلَامَ وَالْمُسْلِمِينَ، وَأَهْلِكِ الْكُفَّرَةَ وَالْمُبْتَدِعَةَ  
وَالْمُشْرِكَيْنَ وَدَمِرْ أَعْدَاءَكَ أَعْدَاءَ الدِّينِ. وَانْصُرْنَا  
عَلَى الْقَوْمِ الْكَافِرِيْنَ.

اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ،  
وَنَسْأَلُكَ بِاسْمَائِكَ الْحُسْنَى، وَصِفَاتِكَ الْعُظْلَمَى، أَنْ  
تَحْفَظْ بِعَيْنِ عِنَائِتِكَ الرَّبَّانِيَّةِ، وَبِحَفْظِ وِقَايَتِكَ  
الصَّمَدَانِيَّةِ، جَلَالَةَ مَلِكِنَا الْمُعَظَّمِ، سُلْطَانَ  
سلاُغُور، سُلْطَانَ شَرْفِ الدِّينِ ادْرِيسِ شَاهِ الحاجِ  
ابنِ المَرْحُومِ سُلْطَانِ صَلَاحِ الدِّينِ عَبْدِ الْعَزِيزِ شَاهِ  
الْحَاجِ. اللَّهُمَّ أَدِمِ الْعَوْنَ وَالْمِدَائِيَّةَ وَالْتَّوْفِيقَ،



وَالصِّحَّةَ وَالسَّلَامَةَ مِنْكَ، لِوَلِيِّ عَهْدِ سلاْغُور، تَعْكُو  
أَمِيرِ شَاهِ إِبْنِ السُّلْطَانِ شَرْفُ الدِّينِ ادْرِيسِ شَاهِ  
الْحَاجِ، فِي أَمْنِ وَصَالَاحٍ وَعَافِيَةٍ بِمَنِّكَ وَكَرَمِكَ يَا  
ذَا الْجَلَالِ وَالْإِكْرَامِ. اللَّهُمَّ أَطِلْ عُمْرَهُمَا مُصْلِحَيْنِ  
لِلْمُؤْظَفِينَ وَالرَّعِيَّةِ وَالْبِلَادِ، وَبَلِّغْ مَقَاصِدَهُمَا لِطَرِيقِ  
الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadrat-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkuuhkan negara umat Islam, sebagai negeri yang maju, sejahtera dan berkebijakan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadrat-Mu ya Allah, tetapkanlah iman dan pegangan kami kepada Ahli Sunnah Wal-Jamaah, terimalah amalan soleh kami, suburkanlah jiwa kami dengan budi pekerti yang mulia, satukanlah hati-hati kami, kurniakanlah kami rezeki yang luas lagi barakah, kayakanlah kami dengan ilmu yang bermanfaat, lindungilah kami daripada bala bencana dan peliharalah kami daripada ajaran yang terkeluar daripada Islam seperti Qadyani dan ajaran sesat seperti Syiah, serta ajaran-ajaran lain yang difatwakan menyeleweng dari ajaran Islam atau bertentangan dengan pegangan Ahli Sunnah Wal Jamaah. Ya Allah bukakanlah hati kami untuk mendirikan solat fardhu lima waktu, menunaikan zakat melalui Lembaga Zakat Selangor, mewakaf dan menginfaqkan harta melalui Perbadanan Wakaf Selangor dan Tabung Amanah Pembangunan Islam Selangor.



رَبَّنَا هَبْ لَنَا مِنْ أَرْوَاحِنَا وَذُرِّيَّتِنَا قُرَّةَ أَعْيُنٍ وَأَجْعَلْنَا  
لِلْمُتَّقِينَ إِمَامًا. رَبَّنَا إَاتَنَا فِي الدُّنْيَا حَسَنَةً وَفِي الْآخِرَةِ  
حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي  
الْقُرْبَىٰ وَيَنْهَا عَنِ الْفَحْشَاءِ وَالْمُنْكَرِ وَالْبُغْيِ  
يَعِظُّكُمْ لَعَلَّكُمْ تَذَكَّرُونَ

٩.

فَادْكُرُوا اللَّهَ الْعَظِيمَ يَذْكُرُكُمْ وَاشْكُرُوهُ عَلَى نِعَمِهِ  
يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ  
وَاللَّهُ يَعْلَمُ مَا تَصْنَعُونَ.

\*\*\*\*\*